

臨平記補遺卷三

仁和張大昌輯

附記

楚申將軍廟在臨平陡門橋

咸淳臨安志申將軍廟在臨平陡門橋北三十

步鄉民祈求田蠶古祠父老相傳為楚申明父

白公作亂楚王命明伐之白公殺其父後人為

立祠。庭立紀聞臨平陡門橋有申將軍廟宋

末人碑謂為申包胥而成淳臨安志云父老相

傳是申明父白公作亂王命明伐之白公殺其

父後人立祠不知申明何人春秋傳無之申明

必鳴字之謫所記者當是申鳴故稱將軍非其

父也申鳴事見韓詩外傳卷十及說苑立節篇

曲園先生曰申將軍廟相傳祀楚大夫申包胥

余向疑楚臣不應立廟於此或即伍子胥廟蓋

臨平記補遺卷三

一

臨平為錢塘江入海之處子胥潮神固宜有廟

因伍子胥奔吳吳與之申地故國語稱之曰申

胥遂訛為申包胥耳今見梁氏紀聞知宋時已

有申明父之稱父者男子之美稱不必疑鳴之

父矣

又曰宋俞珍有題申將軍廟詩云呼童出示綠

錦旛云是先朝勅賜物此亦申廟故實也

漢丁蘭故居在赤岸西潤玉亭下

康熙仁和縣志丁蘭井在赤岸西潤

玉亭下其地即丁蘭故居

大昌曰沈記丁蘭母塚條引西湖志餘丁蘭故

居在艮山門外三十六里名丁橋蓋疑地非臨
平故僅載丁蘭母塚而不及其故居今考諸志
橋梁門艮山門外有丁家石橋而臨平之桐扣
橋東亦有丁家橋臨平安隱寺五雲星橋東北
里許又有丁山橋志餘所云丁橋則未知孰是
且潤玉亭志餘又無聞今據志書此庶幾與无
量故居並傳

孫策與其季弟靜分軍夜投查瀆襲高遷屯

三國志吳

書孫靜傳策破劉繇定諸縣進攻會稽靜與策
會於錢塘是時太守王朗拒策於固陵策數度
水戰不能克靜說策曰朗負阻城守難可卒拔
查瀆南去此數十里而道之要徑也宜從彼據

臨平記補遺卷三

二

其內所謂攻其無備出其不意者也吾當自帥
眾為軍前隊破之必矣策曰善乃詐令軍中曰
頃連雨水濁兵飲之多腹痛令促具甕缶數百
口澄水至昏暮四維燃火誑朗便分軍夜投查
瀆襲高遷屯朗大驚遣故丹陽太守周昕等帥
兵前戰策破昕等斬之遂定會稽。水經注浙
江又東逕固陵城又東逕祖塘謂之祖瀆昔太
守王朗拒孫策數戰不利靜果說策曰朗負阻
城守難可卒拔祖瀆去此數十里是要道也若
從此出攻其無備破之必矣策從之破朗於固
陵。按舊本水經注祖作祖趙一清水經注刊
誤云三國志吳書孫靜傳作查瀆裴松之注云
查音祖加反祖當作
祖此從趙氏刻本

大昌曰臨平與槎渡毗連見水經注成化杭州
府志渡瀆為一聲之轉已具辨前仁和槎渡村
麥秀兩岐條下而祖查槎則又古今字也考舊

紹興府志於蕭山縣地理門云祖瀆在縣西引水經注昔太守王朗云云按孫靜云查瀆南去此數十里則查瀆在高遷屯之北高遷在今蕭山其北瀕江則查瀆非蕭山矣云投查瀆襲高遷屯高遷曰襲查瀆曰投因在永興界外在錢唐界內策已得錢唐故以投言否則當云襲查瀆及高遷屯也且紹興府志於會縣地理門又有查瀆引吳志云王朗攻會稽分軍夜投查瀆襲高遷蓋其於蕭山則沿舊本水經注之訛作祖瀆於會稽則依吳志作查瀆一地兩收已屬

臨平記補遺卷三

三

非是而以孫策攻會稽太守王朗事乃謂王朗攻會稽豈誤以燃火誑朗之朗字屬下讀耶抑並不更檢魏志王朗傳有無此語耶然則紹興府志雖列之地理門彼究未嘗詳覈也其誤爲附置固不待辨而明

孫灝曰吾家宗譜列始祖曰鍾生二子曰堅曰靜堅生五子長曰策是靜乃策叔父相沿爲季弟非也吳志策攻會稽王朗守固陵策數度水戰不克靜說策由查瀆進攻遂襲高遷屯定會稽志地里者莫不屬之蕭山毛奇齡蕭山志刊

誤已辨其謬矣茲定其地爲臨平而疑案以定
蓋固陵今西興其舊城額猶題二字今紹興府
城相去九十里高遷屯卽高遷亭漢有亭長以
官守言也以
兵戎言則曰屯高遷亭今爲柯橋鎮昔蔡邕識箴材於
此因以名其橋去今紹興府城二十五里卽漢
之會稽郡治靜欲得會稽反舍固陵而退投查
瀆者蓋由今臨平東北行二十七里有名秧田
廟者卽渡江處所謂小泗渡者是也對渡東南
南行十五里卽赭山由赭山南行十五里卽柯
橋矣江水轉徙無定其流固非古址然岸址之

臨平記補遺卷三

三

相去遠近終古不增減況江水日以南徙靜時
江水當去臨平更近於今此舉兵法所謂絕水
遠水批吭擣虛也故雖退投臨平查瀆而卽進
襲高遷以扼其背後世用兵者往往以臨平爲
要隘誠非徒浙西孔道抑亦浙東屏蔽也

晉葛仙翁鍊丹井稱鍊丹泉

康熙仁和縣志在臨平
山北一里景星觀前相

傳爲葛仙翁鍊丹井明嘉靖隆慶間有潘真人
者亦鍊丹於此 國朝順治十五年里人甃作
方池味遂
減於前

孫樹禮曰沈記盛稱安平冰谷獨遺此泉順治
十五年東江猶存乃任里人甃方池以減泉味

而不聞護惜何歎

唐杜牧隴在南山與佛日夾境

浙江通志古蹟門有

志云在南山與佛日夾境世傳杜牧墓在此○西湖懷古集南山懷杜牧之詩序南山在黃鶴山北與佛日夾境郡國志山有杜牧隴繫繫數塚世傳杜牧墓按樊川自撰墓銘終於安仁葬於少陵司馬村先塋是墓在西京杜牧隴疑其出牧睦州及為湖州刺史日所經別業也集中有上宰相求杭州啟又為李烈作新造南亭子記詩曰揚州蹤跡更湖州又向杭州一隴留倘學荆溪營水樹也同句曲起山樓春風酒舫偏傷別夜月簫聲易感秋賸與游人話惆悵茶烟風颯落花愁

孫樹禮曰浙江通志列此於古蹟門次葛隴朱

墅下其標題正作隴不作墓殆以咸淳志作墓

臨平記補遺卷三

四

為同音之譌故入古蹟門歟

贈禮部尙書諡文褚无量墓在臨平山

文苑英華蘇頌褚公

神道碑開元庚申歲正月薨於長安崇仁里之賜第粵某年仲冬歸附於臨平之舊域○神州古史考據舊唐書臨平湖為褚公舊里故冢墓亦在此也

大昌曰沈記於褚无量事備極詳載至卒年月

日亦書而墓在臨平則未及之然以姚俊藏蛻

蔡準駮塔例之似應書之非特樵採之禁恃乎

後人而九原偶游亦藉動有作之思也

邱丹祠在景星觀

藏一話映景星觀有邱真人祠祠有丹鑪

大昌曰邱丹棲臨平沈記不書而詩紀中則凡

邱丹作皆錄並及其無涉臨平之詩沈之重其
爲人可知祠宇之設似宜補錄之也

吳越王錢鏐折松於臨平水洞康熙仁和县志水洞在臨平山北

相傳錢武肅王於此折松故他處小松折之長獨此處折之復生

張爾嘉曰折松復生說似近誕然花放來春舊

痕留一捻紅者且稱異焉况英武如武肅者耶

民部尚書吳公約墓在桐扣鄉康熙杭州府志羅

山蒼蒼吳水泱泱降生英靈爲公爲王以嚴師旅以奠封疆派而別者武亦鷹揚取直之功捍巢之蹟雖從本軍實展良畫踐履禁旅光揚事迹乃自西往遷於破石上軍東伐諸將西征賈以餘勇資乃銳兵稽山霧廓京口波清再從貂冕始拜冬卿吳會紛紜淮右奔競驅其凍餒犯

臨平記補遺卷三 五

我疆境躬勵精卒恭奉上命雪際松貞風中草
勁元戎承制聖王酬勞大起名重司元望高優
游渥澤出入官曹所謂雞省全資豹韜茶仰府
城載崇吾閩惟力是助厥功以舉雲霧干塚土
攢萬杵率以資產役以軍旅乃頒異寵乃正華
資大國綱紀雄藩羽儀牀間牛鬪杯裏蛇疑天
胡可測神亦難知有裨于時有功于物一羊金
動二品清秩不謂不達何獲何失瑞馬神羊金
箱玉室。十國春秋吳公約字處仁黃巢之亂
杭州入都既建已而析號十三都公約其一也
初負膽略爲縣豪會朱直起兵應募西討以功
署西桂鎮遏使未幾從董昌禦黃巢於西鄙加
御史中丞奏置都額改破石爲訓兵之所推鋒
破銳日有聲稱武肅王破越州公約擢散騎常侍
兵罷拜千牛衛將軍劉浩平錄功擢散騎常侍
徐約陷蘇州王委公約專征授北軍行營
招討使使蘇州授義和鎮遏使兼本軍水陸都
游奕使淮人侵擾公約扞禦疆域屢挫敵鋒遷
工部尚書俄改刑戶
二部乾寧四年卒

大昌曰八都義舉沈記盛稱曹信而公約亦八
都中人信為臨平鎮將而公約葬於臨平叔向
之思實並生愛慕於九原矣

仙人王子安乘鶴過黃鶴山續齊諧記黃鶴山者

此因名。郭北三山志黃鶴山與皋亭接壤而
離立俗呼為皋亭黃鶴峰舊謂因王子安過此
得名以故陶孫題皋亭雲中犬吠劉安過句證
之或是虛朱國禎湧幢小品言峰下周老人
得老君石像忽搏空去其時松花盛開羣鶴迴
翔花撲起鶴皆黃故以名峰此說前無可考恐
好事者為之成化志云有黃鶴權權即寰宇記
樓字之訛嘉靖縣志遂云黃鶴權權修道于此今
縣志更云黃鶴公權者
輾轉支離可發一粲

羅架曰沈記盛稱邱丹羽化至以曲竹之生擬

臨平記補遺卷三 六

之杖擲鄧林而仙蹤翱翔尤為靈域增重乃仙
馭往來以訛傳訛浸至失實公權修道居接邱
丹慕之者其將挹浮邱袖而拍洪崖肩乎

佛日僧本空植松於寺門名悟道松東江集鈔

宋高宗皇帝御書永思賜羊嫁橋俞氏印雪軒詩鈔

觀宋高宗書詩序云臨平俞氏世居羊嫁橋有
額曰永思相傳宋高宗至此為金人所迫避入
其室俞氏兄弟二人兄名太和弟不可考膺力
絕人匿高宗而出鬪死焉高宗即位遂書此額
賜之此事不見記載而故老流傳或不誣也為
賦四首石鼓山前路金人捲地來狼煙傳漸近
魚腹困堪哀孰際重圍合能將勁敵摧偉哉雙
義士忍使沒蒿萊舊是農家子修予豈素諳祗
緣懷憤切遂覺喪元甘蝸舍藏能密鴉鏃擊亦
堪同時諸父老應聽戰聲酣既就中興業爰描

瑞應圖湖山娛半壁肝腦憫雙塗御墨淋漓甚
忠魂慰藉無求和後來議幾輩愧非夫幸際春
游暇斜陽滿路紅三間尊老屋兩字式英風軼
事人誰記荒涼鬼自雄崇碑磨百尺我欲表雙
忠

張爾嘉曰此事吾鄉人所傳皆如此光緒癸未
九月余與友人至其處有橋二左曰方家橋右
曰楊家橋蓋揚嘉與羊嫁又楊家之譌也俞氏
所居在二橋中永思二字大尺餘體仿平原欸
在二字之間雖有剝落而衡陽王書筆畫猶歷
歷可辨上鈐印文曰皇明宗室則是額之書爲
勝國天潢之手墨而非南渡帝王之宸翰明矣

臨平記補遺卷三

七

因檢明史諸王世表考之衡封自貴聚訖寵淹
凡四代始永樂二十二年終嘉靖十八年今此
額不具年月不知何王所書也沈記於前明事
蹟概不登載且年代相去甚近尙知其詳故不
收入歟抑當日或實有其人實有其事而爲前
明重書歟疑以傳疑未敢竟以爲無稽也俞曲
園有揚嘉橋俞氏雙忠記見賓萌外集

班荆館在赤岸

建炎以來朝野雜記北使至闕先遣伴使賜御筵於班荆館注在赤

岸去府四十五里○乾道志班荆館在赤岸港
○周密南渡典儀北使到闕先遣伴使賜御筵
於赤岸之班荆館中使傳宣撫問賜龍茶一斤
銀合三十兩次日至北郭稅亭茶酒上馬入餘

杭門至
都亭駟

丁立誠曰劉才邵櫛溪居士集卷七注云未定
都臨安之前鎮江平江盱眙皆邇行在皆有茶
藥御筵之賜定都以後則以赤岸為止嗟乎小
朝廷之自限偏隅良可慨也

以臨平曹家渠稅賜佑聖觀

康熙仁和縣志曹家渠在臨平鎮西南宋

時以賜佑聖觀故
至今觀中納稅

司馬榘題清洽軒

成化杭州府志佛日寺有清洽軒司馬仲才題詩。沈記作才

仲

大昌曰沈記錄於詩記中題作游臨平佛日蓋

臨平記補遺卷三

八

據鮮于游記收入未見成化志耳而清洽軒幾
如陸羽之遺卻安平矣

東京留守諡忠簡宗澤墓在臨平鎮宋家橋

大清

一統志

羅槩曰宗忠簡公歸葬於京口之峴山曾懋爲
文誌墓此墓相傳爲忠簡公仁和縣志又列鎮
北一里亦稱爲宗丞相墓兩存其疑不沒傳聞
之舊耳

大昌曰冢墓傳述非一自古爲然故舜葬蒼梧
或以爲歷城之蒼梧山或以爲粵西之蒼梧郡

亦其類也鼓脣爭辨不若兩存其在一境內亦有殯處葬處之分如今之岳武穆墓則湖濱棲霞嶺城內眾安橋均於墓前建廟致祭必謂孰可信孰可疑固矣

趙王墓在臨平鎮西

乾隆杭州府志在鎮西八里黃山不知何王按鮮于樞游

記宋宗屬恭憲王子令鑠官太僕子孫居臨平云其裔至今尚存所謂趙王豈即恭憲耶

大昌曰鮮于樞游記沈書具載全文據稱淄恭

憲王考宋史宗室世系表太祖次子燕王德昭德昭生舒國公惟忠惟忠生東萊侯從恪從恪生贈太師淄王世雄世雄生贈太傅諡恭憲令

臨平記補遺卷三

九

鑠是淄王之子諡恭憲也世系表作令鑠游記作令鑠此又作令鑠皆傳寫之譌

太尉劉琦居黃鶴山北鵠名太師鵠

西湖志繁石姥峯在黃鶴

山之北宋太尉劉琦居鵠名太師鵠

文信國綠端蟬腹硯沈臨平湖

兩般秋雨盪隨筆硯修廣各三寸許

受墨處微凹底圓而凸象蟬腹沿左邊至頂刻謝皋羽銘云文山攀龍之明年疊山流寓臨安得此遺硯焉憶當日與文山象戲譜王竟金鼎一局石君同在座右銘曰洮山石碧于血千年不死萇宏骨歎識皋羽二字袁簡齋先生貯以檀匣而識原委於匣蓋云乾隆丁未十二月杭州臨平漁父網得此硯於臨平湖王仲瞿居士舟過相值知為文文山故物以番錢廿元得之轉見贈余傲竹垞詠玉帶生故事為作匣兼招詩流各賦一章甲寅二月望日記於小倉山房

時年七十有九

大昌曰玉帶生遺硯信國殉節後為謝文節所得此硯銘誌宛然其在鼎湖豈文節流寓時沈之耶劫後不知存否矣

三月二十八日奉香東嶽行宮夢梁錄三月二十八日乃東嶽天齊

仁智帝聖誕之日諸郡邑皆有行宮奉香火杭州有行宮者五處吳山臨平湯鎮西溪曇山奉其香火惟湯鎮臨平殿廡廣闊司案俱全

曲園先生曰景星觀已見沈記矣然余疑景星觀非即東嶽廟也夢梁錄城內外諸宮觀一條云景星觀在臨平嶽祠之側可知景星觀本在

臨平記補遺卷三 十

宮觀之列初非嶽廟一統志景星觀在臨平山下與東嶽行宮對峙以其附近遂併為一談耳

四月八日祈年細礪洞見前注

大昌曰此風俗之應記者也沈記於祈年事僅見於注特書之以見一方之風土

臨平山產薑本草綱目

臨平鎮產絲成化杭州府志海寧仁和上塘蠶絲於臨平市貿易居多

臨平山產條桑蠶書條桑出於杭之臨平

臨平小林產甘蔗夢梁錄甘蔗臨平小林產以土窖藏至春夏味猶不變小如蘆

名荻蔗亦甜

臨平湖產芡咸淳志芡仁和之藕湖臨平湖所產特佳。夢梁錄雞頭古名又名雞墜

仁和之藕湖
臨平湖俱產

大昌曰沈記於礪石曲竹之出備書之為美談
若此數者民生衣食所係顧可不與石竹並誌乎

州鈴轄應奉局幹官楊靖償冤夷堅甲志臨平人

部花石至京師得事童貫積官武功大夫為州都監將滿秩造螺鈿火鑽三合窮極精巧買土人陳六舟令其子十一郎賈以入京一供禁中一獻老蔡一與貫以營再任子但以一進御而貨其二於相國寺得錢數百千為游冶費愆期不歸靖望之久乃解官北上遇諸宿泗間子畏父責已乃曰所獻物皆為陳六所賣兒幾不得免靖信之至京呼陳六詰問陳答語不遜靖杖

臨平記補遺卷三

之方三十陳呼萬歲得釋還至舟謂其妻曰楊大夫不能訓厥子翻以其言罪我我不能復領赴汴水死靖得州鈴轄以歸都轉運使王復領應奉局辟靖兼幹官常留使院中時宣和七年也是歲四月某日靖在簽廳有網船挽卒醉相毆破鼻出血突入漕臺紛紜問靖翼然如有所覩不急趨入屏後遂仆地昇歸家即臥病語言無緒不食時臨平鎮有僧能以穢迹法治鬼與靖善遣招之至則見鬼曰我稍工陳六也頃年以非罪為楊大夫所殺赴愬於東嶽帝命自持牒追逮經年不得近復還白帝怒尤遣再來云楊靖不至汝無庸歸今又歲餘矣公門多神明久見壅遏前日數人被血入上地輩皆驚避乘閒而進乃得至此僧論之曰汝他生與是人有冤今世故殺汝汝又得取償翻覆無窮何時可已吾令楊氏飯汝又得取償翻覆無窮何時可之何如鬼拜而對曰曠昔之來苟聞和尙此語欣然去矣今已始怒主者懼或反命則冥漠之欣然無脫期非得始怒主者懼或反命則冥漠之靖項下有鎖日事已爾姑為啟鑰使之飽食且

理家事可乎許諾前拔鎖靖即起如平常然與僧纔異處則復昏困數日死

殿前司後軍副將賀忠遇鬼情史清熙初殿前司

途次臨平衆已止宿後軍副將賀忠與四卒獨

在後三里至蔣灣迷失道詢於田父曰可從左

邊大道行方及半里遇柏林中一大第繫馬數

匹皆駟駿可愛問閭者曰此誰居之曰前邕州

呂使君今已亡但娘子守寡又問馬欲賣乎曰

正訪主分付於是微賂之使入報良久娘子者

出淡妝素裳脩脩然有林下風致年將四十侍

妾十數人延坐淪茗扣所欲以馬對笑曰細事

也俄而置酒張筵歌舞雜奏既罷邀入房凡三

夕始別驢以五花驄及白金百兩云家姊在淨

慈寺西畔住倩寄一書握手眷眷而退賀持書

至湖上果於淨慈西松徑中至姊宅相見如姻

親仍約明日再集亦留與亂嘗往歡洽外報呂

合人至姊失色然無以拒令人招賀入小閣峻

責之賀拜而謝過乃釋然經半載賀妻亡窀窆

之費皆出於呂氏乃娶為繼室逾三年賀亦亡

臨平記補遺卷三

先有三子一居市廛二從軍令人詣府投牒分
囊裝贈之而乞身於姊家同處明年寒食賀子
上父冢因訪姊家姊云妹已歸臨平矣又明年
復詣其處宅舍俱不知所在惟松林內有兩古
墳賀子悲異
瞻敬而去

曲園先生曰此等幽怪之事殊不足記然郡縣

志書具有采此等事入雜記者况臨平一鎮之

書乎賀事必見於宋人小說書中惜情史不載

所出當更考之案賀忠心事釋際祥淨慈寺志亦載之
雜記中未標引用書目文亦較畧

元杭州鈔庫副使張翥自號平皋鶴叟名蹟錄張紳
書朱伯盛印

謹後予座主張先生仲舉在杭一印曰平皋鶴

叟蓋用杭州三山名臨平皋亭黃鶴也。元史
翥為杭州鈔庫副使

丁立本曰翫心性之學受之李存聲律之學受之仇遠其後講學無成卒以詩著所撰蛻庵集古體頗類香山諷諭遺韻三字之鑄其放情山窟中雅懷若揭矣

王振鵬詠蜻蜓七修類藁王振鵬元世祖時人善見有蜻蜓詩畫卷於里中旌德觀誠妙筆也詩有黍離之哀想宋季之遺黎其卷多名人題識今亡矣今以記憶者錄之於左其自題蜻蜓詩曰露涼芳草曉風吹紗翼輕明水影欲莫便臨平山下去眼晴雙眩碧琉璃未二句意其寫圖之時必伯顏駐師皋亭之日不忍故國垂亡而虜騎之覬覦得詩人之比也故和者雲間張耳云翠華銷盡厲焱吹四翼低飛兩眼欲秋水藕花搖落久也愁碎點碧琉璃嘉禾周鼎云蜻蜓偷眼藕花風滿地

臨平記補遺卷三

三

裏百年遺墨灑嘒紅張世鳴云花落清明陣陣風臨平山下舊行宮蜻蜓不管興和廢猶掠殘香覓怨紅平湖潘實云不隨沙鳥度涼風欵欵孤飛過舊宮十里湖山依舊在野蓮無主向誰紅仁和夏時云曉起漲滿天眼愁側視嚇劉邦飛來小影風蒲外紅藕花開不及前仁和玉圓莫向臨平山下過藕花風景不如前

丁立中曰徘徊禾黍遺子僅存拜賜新恩愴懷故國振鵬以畫藝知名而蜻蜓一詠何啻管弦凝碧之悲乎

理問王蒙墓在黃鶴山下萬歷杭州府志王叔明住黃鶴山今其基尚在

山下

太師巴延甥女薩巴墓在臨平南明因寺東康熙和

縣志皇姑墓在臨平南明因寺東元太師巴延甥女薩巴葬此相傳以爲皇姑墓云

大昌曰沈記太師伯顏甥孫女撒入出家臨平

明因寺伯顏作巴延撒入作薩巴譯音無定字

字也惟胡澹碑作甥孫女志作甥女必有一誤

明副都御史贈尚書陳祖苞墓在黃鶴山乾隆杭州府志祖苞

晚年構精舍自娛額曰斐庵又嘗自號黃鶴山樵既卒卜葬於此及購丙舍有斐堂人以爲預兆

云

郭紹孔鐫安平泉三大字碑安隱寺志

福建興化同知馬廸墓在臨平山嘉靖仁和县志

張輿居臨平槎溪游覽志餘張輿字和中仁

臨平記補遺卷三 志

秋官楊尙綱居臨平槎溪丁養浩效唐集詩序云同年秋官楊尙綱尊居

月樓翁來京相諭適尙綱考最遂受封勅其所居地名槎溪

楊州太守徐伯陵夷陵別駕徐仲徵築東綠野別

業於褚無量讀書臺側杭郡詩續輯金濤徐太守東綠野詩序云太守

名伯陵字警星世居臨平湖塔溪官楊州太守弟字仲徵字似車官夷陵別駕同賦歸田築別

業於唐褚舒國公讀書臺側又詩注云臨平山塔影照入臨平湖中因塔下南爲南宅橋北爲

官坊別墅中有霏玉堂見東江集

鄒在寅曰徐氏昆季偕隱清風高蹈足以媲美

於漢代之二疏繼乃與東江議濬開臨平湖以

興水利則當飛遁已卜而於鄉里之間殷殷策

畫事雖未就其志宏矣

卓明卿瞻禮安平院寶幢石刻陀羅尼經卓明卿集

安平泉記安平泉在臨平山麓安平院之前院
自齊梁間秘舍利寶幢高揭雲表上勒陀羅尼
經一藏翮翮右軍書法幢上悉紀唐大中十四
年迄宋元祐紹興諸人重建本始祝延字畫逼
真歐虞卽雨蝕薛侵尚手磨可讀東坡蘇公來
守杭州過斯泉勺而吝曰甘哉豈陸羽遺之耶
題詩院中國初白刺史愛厥墨跡以贖書易去
院僧珍藏弗知也余髻弱誦蘇公詩知有此泉
嘗夢寐孤雲間以近忽之乃今來上泉上探奇
惟淡烟孤雲相與耳嗟夫方壺蓬島探奇士
崇之不可卽也至若寰中名勝按籍可考復艱
徧歷茲泉僻在一隅蘇公臨賞垂三百餘禩罔
遇余實嗣焉高所謂東坡遺筆銀諸貞珉蘇公與
構亭澹源集所謂東坡遺筆銀諸貞珉蘇公與
泉映照源集所謂東坡遺筆銀諸貞珉蘇公與
千古哉

臨平記補遺卷三

五

黃冠姚君重建東嶽行祠東江集鈔募修東嶽廟

者七十二君所以勒崇垂鴻號曰岱宗至重也
今祀享徧宇內郡邑咸有專祠其在吾臨平者
初于宋紹興十年淳熙初又增崇之改額景星
觀爲歷代仙真修煉之地有丹竈丹井諸名蹟
崇山環抱蔚然深秀實鉅鎮之壯觀以不戒於
火琳宮玉樓久爲灰燼有黃冠姚君者度爲浮
屠奔跌暑雪得復振興庭前雙梓樹偃死百年
忽起立識者異焉今神寢安矣祈報日繁姚且
年七十一餘白髮垂耳歸自五臺將終寂于茲
予言曰祠建而兩廡廟貌有未成吾抱此志
願于四十年恐卒轉溝壑死且瞑故不得已
言于公余歡然起曰有始鮮終緩公急已士君
子猶不免焉乃方外之徒不敢自負其志願不
足多乎况祠之貌與廡也猶人之面與腋豈以
偉然之軀而垢其容髻墮其四支不惟已有湔
濯矯奮之思卽觀之者亦必謂非全人茲幸歲
豐物阜百廢具興而姚之勤懇也又適與事會
予敢跂足以望其成雖襄者之力同于奉土無

益泰山然寸草答春暉亦各自竭其私耳
子又何惜效馬卿撰書為林處士所輕耶

僧寂朗建庵於安隱寺之東名曰棲林安隱寺志

傳時有陳氏子五官者屠牛為業感師之化無
以為報探師有居山之意傾家資五十金買地

於邱山之陽為師建蘭若於安隱寺之東
名曰棲林居陳氏子遂求剃度名曰寂朗

楊振鎬曰放下屠刀立地成佛若陳氏子者於

彼法中誠卓著矣棲林之築諒無忝於祇園布

金焉

僧心悅重建龍興寺東江集鈔重建龍興寺募疏

曰西湖曰臨平湖真之則為民利渙之則為民
害治之者咸有循吏保障之稱強弩射潮者錢

王鏐也去葑築隄者蘇守軾也而臨平湖開塞
以為治亂徵始因漢讖驗于吳占至陳貞明勢

臨平記補遺卷三

六

益洵洵民有懷襄之懼叔寶建寺以禳今所謂

明因者是也宋宣和七年復大漲溢又有妙華

精舍之營湖後改徙而南膏腴無恙高宗南渡

以迎太后韋氏駐蹕此庵故陸之為寺而賜號

龍興土木之華鬱為名利屢振皆有高僧

主之乃今歷年彌久顏敝滋甚龍象飄搖鐘鼓

暗絕者數十稔矣有僧心悅矢願復之擊木徇

途三易寒暑鄉之長者無不重其行哀其誠襄

其力推之郡邑猶是也嗟乎陳宮朱闕草蔓烟

荒而明因能興巍然尚在此範瑳京貫之徒無

心悅之志故無心悅之功耳倘得高明援手布
地有成寶鼎含光金輪再轉則三吳俱為安壤
將得與錢王保障蘇守循良同歌思若夫奔
走播遷六飛偶駐亦何足為茲寺之歌思若夫奔
游洋將軍沈士逸築簡園杭郡詩續金濤詩注

獻廷官游洋將軍嘗備兵甬上晚年隱於醫闢

園一區有章慶堂晚娛樓瑞竹堂延賞樓黃石

庵浮月廊雲邱石槎此君軒獨醒居疑舫閣芙
蓉嶺宛在亭雲華館雪竇狎鷗灘采珠臺諸勝

一時名公卿題詠甚眾有簡園詩集柴虎臣有故游洋將軍沈公傳

高保康曰沈記祝文襄序云予自戊寅首春應獻廷沈公之招命其幼子謙從予游是東江之尊人曾官游洋將軍而東江亦隱於醫箕裘之紹東江有之

簡園生瑞竹於堂

東江集鈔瑞竹賦序竹金色嵌碧節節勿之爽司空祝先生攜

自嶺南家君植於堂踰年生竹成碧節節嵌金亦勿爽武原磊庵吳公聞而嗟曰此近於瑞矣遂以名堂姚太學叔祥為記謙亦續獻是賦

王同曰曲竹之異由邱丹而東江之堂迺見瑞竹茲事雖微實足與曲竹相為媲美先後是亦

臨平記補遺卷三

以見物產之異焉

唐世濟作佛日寺金臺大師記刻於石

石刻文云吾湖法社

不一而夾山則湖之廬山也山以水名山水以精藍名在精藍者蓋代有人也余與表益大司寇沈公何山得金師以繼石機兩俱雲棲嗣也金師幼而敏穎嘗讀書譚道尋繹微言往與禪觀通因決志禪學一切世緣棄去從蓮池游教典悉曉暢言下迎刃不啻灑陽一笑以故蓮池最器之其後雖負笈從紹覺然其名視覺適上學人嘗稱一兆夢於雲棲再兆夢於蓮居固月亭之止錫曰迨夾山稍竟業過臯亭山佛口為之日舊為錢唐勝刹自唐本空以宿悟得雲居佛日舊為錢唐勝刹自唐本空以宿悟得雲居實為開山之祖厥後傳有燈明教天衣十餘人相繼而興尋亦中落金師以道緣振起一時因奕為諸方望固不自居也以願力還願力以因緣還因緣大法以山還山老何有哉既為佛日昌大聞鷲峰頂養菴大開講壇於江左

瓢笠而前悉得雲棲之傳所垂句語授者
皆有無者皆無迄今為學人指點以海塘折
毀三郡受災為之持願而止狂瀾蓋願滿於持
其間徇肌膚者不端固人定勝天也又不自居
也甚而江淮猛獸北土豚雞竊以焉知日無海
鷗何有山君為民害乎爰問屏跡北渡山之味
以道法師攝伏夷然謝之又不自居為傲為味
兩不自居余蓋審金師之持者願也故所至藤
蒲花水俱清涼境界或以願滿為崎觀使人天莊
嚴有不可思議不知其唯吾願也絕不使人天
界中作崎觀也余與沈表益爽山緣起如此猶
夫山水以精藍名也山水何心哉賜進士第資
德大夫正治上卿都察院掌院事左都御史兵
部左侍郎巡撫南贛提督軍務右僉都御史大
理寺左寺丞巡撫淮陽漕運理河巡視京營
掌河南道監察御史經筵侍臣唐世濟撰

大昌曰金臺名大掄本儒家子見 國朝順治

十三年河北張縉彥所撰金臺大師銘石刻惟

臨平記補遺卷三

所云海塘圻而三郡災山君橫而居民逋金臺
以精誠禋格之一試而感再試而效其事今已
湮沒無聞知者渺矣

平和將軍陳萬良敗於臨平尋遣山陰諸生翁思

明與馬雲龍范貴還臨平發所藏金 自靖錄考

鄉紳掛平和將軍印總兵官中軍都督府同知
陳萬良字鳴皋初偕平和副將軍徐龍達進橋
司攻德清龍達陣亡於城下萬良得脫收殘卒
戰於翁家埠復敗藏印於田婦儘者飯下諸生
胥美繼屬陳明環蹤迹得印以歸萬良已而復
戰敗於仁和縣之臨平鎮散其眾而與其黨馬
雲龍范貴及山陰諸生翁思明等數人易服騎
馬奮鞭脫去憩富陽之尖山尋遣思明同雲龍
貴等還發臨平所藏金為大清
營所覺雲龍見殺思明被執不屈

大昌曰陳萬良徐龍達陳明環翁思明馬雲龍
皆明季殉國之遺烈也雖拒師臨平不殊螳臂
而孤忠亮節焜於蒼水焉

沈謙隱居南樓應擣謙東江沈公傳沈謙字去矜

四聲入鄉塾羣兒喧誦君獨端坐默然詰朝責
課則朗朗無遺師甚異之九歲作時藝涉筆便
佳家初頗饒饒遇童子試父欲從事于請君輒引
告不願篝燈夜誦率雞鳴始罷坐臥所為南樓
者二十餘年崇禎壬午補縣學父以年老分宅
居三子會家遭難兩兄南園焚掠幾盡獨不及
君居君即割宅畀之千金之資不以已析稍有
吝色後家計零落終肆力詩古文口不談世務
亦不求仕進父疾旦夕祈禱衣不弛帶居二喪
毀瘠嘔血娶徐氏夫婦愛敬如賓米鹽之司悉
以委之優游藝林終不籌計先生產有六丈夫子
不事夏楚悉馴順治間嗣先生產有六丈夫子

臨平記補遺卷三

年益助詩賦自喪妻長子深悼成疾每有沈鬱
輒託之歌詠下惟凝坐手執一編家人請事若
弗聞也上自經史下及諸子百家稗野之書無
不淹博始每憑南樓長嘯與毛稚黃張祖望賦
詩為樂後復葺數椽為寄傲之地為東江草堂
因號東江所著東江集有詩賦二卷十一卷文十
卷詞譜南曲譜古詞選沈氏族譜諸書未梓臨
平記已梓板燬及半未行嘗寓書其友毛先舒
曰文集必須全不自較定若謂多子孫門下士可
以託之使傳全不知先一年未安枯髯欲斷之
於康熙庚戌二月卒先一年未安枯髯欲斷之
曰汝母先我十年而卒先一年未安枯髯欲斷之
諸子皆驚莫測其故而臨卒呼子昭曰吾將逝矣
雖齋志以歿不死於婦人女子之昭曰吾將逝矣
而正命焉遂起攝衣冠言訖而逝君天性孝友
素志長厚平生無疾言遽色故舊族戚睦以至
情及門之士每欣提獎頗自澹治飲蔬衣布宴
如也室內常躬自洒掃性不喜飲願好客時即
甚貧或賓朋過從必質衣治具歡笑達曙其友

應搗謙嘗至臨平賣筮君命二子受業將卒命其子昭曰汝師知我盍請為傳後二年昭泣請遂以傳之

沈謙與兄誠子聖昭潘夏珠游臨平湖作秋夜夜

泛臨平湖序東江集鈔秋夜泛臨平湖序臨流

夜隄柳暗籠畫舫浪花高撲疏簾共看沈醉玉
山俱頽更聽新念吳宮蔓草天璽難求陳閣烟
勝地而增榮因念吳宮蔓草天璽難求陳閣烟
消佛奴安在但滋炫惑何救危亡不無深遠之
思益致流連之傲燈外魚聽固慕豪懷於
杜老臺前龍去宜追芳躅於褚君云爾

楊詠嘉以安平泉與沈謙詩為東江二絕東江集

詠嘉書足下以安平泉及去矜之詩為東江二
絕嗟乎僕詩何足當此泉哉水味甘香勝乳故
里人嗜之吾所作詩皆辛且苦宜世之橋
舌而搖手也足下入國問禁酌其泉可矣

臨平記補遺卷三

二十

大昌曰曹師魯稱為曹晏嬰具見沈記然則東

江二絕洵亦足以膾炙人口也矣

沈謙墓在臨平山毛先舒撰墓誌銘臨平鎮在杭

東湖諸名勝風土清曠而渾樸往往有工文持
高節之士出焉如唐邱丹宋沈友直皆是也余
友沈去矜家臨平高士也卒將葬于聖昭來乞
余銘余雖病臥弗敢卻嗚呼去矜與余同齒而
生先余九月穉歲聞聲即相慕稍長定交蓋三
十餘年不定好好也去矜少穎慧六歲能辨四
聲藉藉吳越齊楚之士過鼓村車轍恆滿去矜
形弱不勝衣而骨性剛挺平時與人語氣纒屬
及發辨議則電閃霆激摧屈一坐其為文章遙
澹秀鬱錯以綺麗商略輕重不失銖黍每自云
子美晚節漸於詩律細余何敢以粗心掉之尚
論古昔決然自任而平居嘗不自快意卒發孤
憤憶已卯庚辰之間流賊躡蜀豫轉入三晉時

遣重臣將兵出率挫劔遁逃西北勢已危而大
江以南飛蝗從北來蔽天米一石值六七錢
饑饉連數歲道殣如麻士大夫扼腕慨直
陳時事聯絡風聲互相推與懷古之人攬轡登車
之思焉是時逸真先生亦開章慶之堂多延文
學士與去矜為周旋陸景宣為東南士類冠見
館於沈氏與諸公賦詩怨歌飲酒連日達夜余
時臥病不得與然心嚮而馳蓋意氣猶壯也越
四年天下亂客皆散去於是去矜遂自託迹方
技絕口不談世務日與知已者余與張祖望登
南樓抒歎高吟樓東眺海西望皋亭羣峰蒼狀
大河南流酌酒臨風憑弔千古時稱為南樓三
子景宣故亦南樓客也又與柴虎臣吳錦雯陳
際叔孫宇台丁飛鴻虞景銘稱西陵十子云去
矜為人孝友父沒毀瘠嘔血東鄉盜起章慶堂
焚堂本分居屬兩兄既燼去矜即割已宅居之
久之兩兄欲徙去去矜念兄貧苦餓宅固留以
讓兄自逸真先生沒母范氏夫疾數年竟卒子
聖旭相繼去矜悲悼漸成疾疾數年竟卒子
五十一所著東江集鈔詞韻詞譜南曲譜古今

臨平記補遺卷三

詞選臨平記沈氏族譜傳奇凡若干卷屬續時
語聖昭以傳屬應嗣寅為之而託先舒銘墓先
舒自巳酉春病劇困甚三月十四日錦雯之官
南和宴友生為別虎臣過要余偕往不能行去
矜時買舟入會城視余乃明年正月虎臣死二
月亦至余以宛轉牀褥之身不及遇時而三哭
故人唐韓愈云人欲久不死而觀居此世者何
也况人為僧去矜諱謙其先為湖州武康人十二
景宣為僧去矜諱謙其先為湖州武康人十二
世祖奇英居臨平始六傳為竹軒公官九江府
十三年傳為逸真先生諱士逸去矜尊公也嘗為
游洋將軍後以醫名家子七聖旭聖昭聖時聖
且刻庶保垂遠若以俟子孫恐故紙筋不足當
自刻庶保垂遠若以俟子孫恐故紙筋不足當
二分也枯心落髮苦辛大極已作北邙土安
能復知身後名邪語罷太息今聖昭與諸弟竭
力為亡父刻平生遺書可謂孝子也敬為銘
曰鎮西山英鬱哉佳城宵甯是宅幽人之貞嗟
麟不可脯鳳不可羹道在則見嘉祥斯徵或見

或隱厄平時命激而爲文孔陽且靈辭以立誠道乃大宏石鼓之無聲桐扣之乃鳴

臨平記補遺卷三